



****eks** je definitivno jedna od važnijih stvari svake veze i braka, ali šta se dešava kada dvoje ljudi gotovo ili u potpunosti prekine s njegovim praktikovanjem?

Nedostatak seksualnih odnosa u braku češća je pojava nego što bi bilo ko mogao zamisliti; istraživanje sa Georgia univerziteta u SAD-u govori kako 15 posto vjenčanih parova nije praktikovalo odnose sa partnerom šest do 12 mjeseci.

Nakon članka u Guardianu koji se dotakao upravo ove teme, portal je pozvao čitaoce da iznesu svoja iskustva, a mi vam prenosimo samo neka od njih.

Paul, 36, London

U početku veze, seks sa mojom sadašnjom suprugom je bio fantastičan. Bili smo potpuno kompatibilni i voljeli smo slične stvari. Sve se promijenilo nakon nekoliko godina, ali sam mislio kako je to normalna pojava. U vrijeme kada smo se vjenčali znao sam kako više ništa neće biti isto. Supruga mi je već prve bračne noći kazala kako je preumorna za vođenje ljubavi i ta noć mi je još uvijek urezana duboko u sjećanju. Nakon vjenčanja odnosi su nam postali monotoni i rijetki, a ona nikada nije željela razgovarati o tome. Radio sam sve kako bih pronašao rješenje, tražio sam mišljenje stručnjaka, istraživao po internetu, radio sam sve kako bih joj olakšao svakodnevne obaveze i ponašao se kao da mi nije toliko stalo do seksa. Dolazak djece i dodatni stres koji su ona prouzročila zabio je i posljednji ekser u pogrebni sanduk našeg seksualnog života. Sve se svelo na odnose tokom Božića ili rođendana. Počeo sam osjećati gnjev prema svojoj supruzi i njenoj nevoljnosti da se upusti u romantiku. Od najboljih prijatelja i ljubavnika odjednom smo postali ljudi koji tek dijele krov nad glavom i koji se podnose. Tokom ove godine sam imao kratku aferu sa kolegicom, i bilo je lijepo dok je trajalo. Kada je moja žena saznala, odlučili smo pružiti našem braku drugu šansu. Pokušavamo popraviti ono što je uradila moja nevjera, a ako uspijemo u tome, vratit ćemo se popravljanju našeg seksualnog života.

Anonimna, 30, Exeter

U braku smo pet godina, a sa mužem nisam imala seksualne odnose osam godina. Već nekoliko godina prije vjenčanja je počeo da me odbija i onda smo se jednostavno prestali truditi. Uzalud sam vjerovala kako brak može probuditi iskru, ali jednom kad strast zamre, to je to. Dobro se slažemo i uživamo zajedno, ali intimnost među nama ne postoji. Željela bih imati djecu, ali kada ga upitam kad bismo mogli poraditi na tome, on jednostavno mijenja temu. Htjela bih se razvesti, ali se bojim samoće. Naš brak je, ukoliko izuzmemo ove probleme, zapravo solidan. Možda nam je jednostavno suđeno da živimo zauvijek zajedno, a seks je jedina stvar koju ne možemo raditi jedno s drugim. Spavala sam sa kolegom prije nekoliko mjeseci, i to je

bio moj prvi seks u posljednjih osam godina. Nisam sigurna da li se osjećam loše u vezi toga, ali moj muž ne zna.

Matt, 25, Canada

Seks se sa mojom ženom sveo na svega desetak puta godišnje. Ona vjeruje kako je to nešto što bi se trebalo obavljati isključivo u reproduktivne svrhe. Njen libido je toliko nizak da više i ne pokušavam ništa; jednostavno kada legnemo u krevet okrenemo leđa jedno drugom. Pokušavam da je uvjerim kako je seks bitan za uspješan brak i kako ga možemo praktikovati i u druge svrhe - da zadovoljimo jedno drugo i da nam bude lijepo. Jedino što mogu jeste da se nadam da niko drugi ne prolazi sličnu situaciju kao ja i da ću uspjeti svoju suprugu nagovoriti na bračno savjetovanje.

Brian, 51, Australia

U braku smo 13 godina, a već dvije godine spavamo u odvojenim sobama. Godinama se već ne trudimo jedno oko drugog. Život nam prolazi u kućnim obavezama, poslovima i brizi o našoj voljenoj djeci. Nema intimnosti među nama, nema razgovora, sve je nestalo. Zapeli smo u začaranom krugu. Najveći problem mi stvaraju njene konstantne kritike na sve što uradim i to me odbija. Savjetovanje nam je pomoglo jedno vrijeme, ali smatram kako smo iscrpili sve pokušaje. Trenutno se trudimo da održavamo našu vezu u kojoj nedostaje ljubavi i intimnosti jedino kako bi naša djeca odrasla u kompletnoj porodici i osjećala se voljenom.

Anoniman, 36, Australija

Prošle su četiri i po godine otkako smo posljednji put imali seks, i ako smo zajedno tek osam godina. Moji prvi pokušaji da iniciram seks nakon potpunog prestanka završili su neslavno, uvijek bi me odbijala. Ona smatra kako problem potječe od njenog nedostatka samopouzdanja i loše slike koju je stvorila o svom tijelu. Volimo se i želimo i dalje biti zajedno, ali osjećam se tako usamljenim i nepoželjnim, iako me ona uvjerava da sam joj i dalje atraktivan.

Anonimna, 31, Južna Afrika

Prošle godine smo samo šest puta imali seksualne odnose. Ubraku smo 12 godina, ali sam i mnogo prije stupanja u brak shvatio kako imamo različite ukuse kada je seks u pitanju. Doslovno sa, prve bračne noći, muža morala moliti da vodi ljubav sa mnom. Bez obzira na sve, udala sam se za njega jer ga volim i preuzimam apsolutnu odgovornost za djela. Tokom godina sam činila sve kako bih mu rekla i pokazala kako se osjećam. Veoma seksualna osoba i osjećam potrebu za tim, ali on jednostavno ne želi ništa, ili neće. Ne mogu da ga shvatim. Volimo se i slažemo, i nikada nije uradio ništa kako bi me povrijedio, s obzirom na to da sam svjesna koliko žena trpi nasilje u kući. Međutim, smatram i kako je uskraćivanje seksa jedna vrsta nasilja, i ne mogu mu to oprostiti. Mislím da ću jednog jana potražiti ljubav negdje drugo, ali ne znam da li bih emotivno podnijela da izgubim muža. Bilo bi mi teško odbiti kada bi mi neko ponudio seks, ali jednostavno, do sada nisam naišla ni na koga ko bi me dovoljno jako privukao.

Nezadovoljni bračni partneri otkrivaju: Kako je živjeti u braku bez *eksa

Autor buzimljani.ba

Srijeda, 08 Veljača 2017 16:57 -
